

Mujraee khalq mein, in aankhon ne, kya kya dekhaaaa
Par kahin sibte, payambar sa na, aaqaa dekhaaaa
Mujraee khalq mein.

Maine dekha alaame shah ko, aluda ba-khoon,
Main ne nezay pay sar-e dilbar-e-Zehra dekhaaa
Mujraee khalq mein.

Maine dekha Ali Asghar ka galaa khoon mein tarr
Maine Abbas ko, reti pe, tadapta dekhaaa
Mujraee khalq mein,

Ek gathdi shahe deen pusht pe laaye us mein
Main ne tukde huway, Qasim ka saraapa dekhaaa
Mujraee khalq mein

Gir paday sibt-e-nabi, thaam kay haathon say jigar
Ali Akbar ko jo rayti pay tadapta dekha
Mujraee khalq mein

Bay-rida khalq nay us bibi kay sar ko dekha
Jiski maadar ka, kisi nay na janaaza dekha
Mujraee khalq mein

Haaye kyon ho na gayee, saur ke, in aankhon ne
qaid khaanay mein Sakina ka, janaaza dekhaaa
Mujraee khalq mein

Boli ye Zainab-e-muztar, kay khooda khair karay
Raat ko khwab mein, uriyan sar-e-Zehra dekhaaa
Mujraee khalq mein

Jaake Zainab ne, madine mein kaha, Sughra say
Kahoon kis moonsay ke pardes mein, kya kya dekhaaa
Mujraee khalq mein

Zulm aai Mujraee Sajjad ne, kya kya dekha
Ghar loota, qaid hue, baap ka laashaa dekhaaa
Mujraee khalq mein x 2